

Воскресна служба 2-го гласа.

В субботу на велицей вечерни.

На Господи, воззвах, поставим стихов 10, и поем стихиры воскресны осмогласника, 3: и Анатолиевы, 4: и минеи 3, или 4, или 6, аще празднуется святой. Слава, минеи, И ныне, Богородичен первый, гласа.

Стихиры воскресны, глас 2:

1. Стих: Изведи из темницы душу мою,/ исповедатися Имене Твоему.

Прежде век от Отца Рождшемуся Божию Сло́ву,/ Волощшемуся от Девы Марии,/ приидите, поклонимся:/ крест бо претерпев,/ погребению предадеса, яко Сám восхотé:/ и воскресе из мёртвых,// спасе мя заблуждающаго челове́ка.

2. Стих: Мене ждут праведницы,/ дондеже возда́си мне.

Христос Спа́с на́ш,/ еже на ны рукописание пригвозди на кресте загла́ди,/ и смёрную держа́ву упразднi:// поклоняемся Его Трiдневному Воскресéнию.

3. Стих: Из глубины воззвах к Тебе, Господи,/ Господи, услыши глас мой.

Со Архангелы воспоем Христово Воскресение: Той бо есть Избавитель и Спас душ наших, и в славе страшней и крепцей силе, паки грядет судити миру, Егоже созда.

Ины стихиры, Анатолиевы, глас тойже:

4. Стих: Да будут уши Твои/ внимлюще гласу моления моего.

Тебе Распеншагося и Погребеннаго, Ангел проповеда Владыку, и глаголаше женам: приидите видите, идеже лежаше Господь: воскресе бо, яко же рече, яко Всесилен. Темже Тебе поклоняемся Единому Безсмертному: Жизнодавче Христе, помилуй нас.

5. Стих: Аще беззакония назриши, Господи, Господи, кто постоит;/ яко у Тебе очищение есть.

Крестом Твоим упразднил еси, юже от древа клятву, погребением Твоим умертвил еси смерти державу: востанием же Твоим просветил еси род человеческий. Сего ради вопием Ти: Благодетелю Христе Боже наш, слава Тебе.

6. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Отверзошася Тебе, Господи, страхом врата смертная, вратницы же адовы видевше Тя, убо яшася: врата бо медная сокрушил еси, и верей железных стерл еси, и извел еси нас от тмы и сени смертных, и узы наша растерзал еси.

7. Стих: От стражи утренния до нощи, от стражи утренния,/ да уповает Израиль на Господа.

Спасительную песнь поюще, от уст возселем: приидите вси в дому Господнем припадем, глаголюще: на древе Распныйся, и из мертвых Воскресый, и Сый в недрах Отчих, очисти грехи наша.

Таже стихиры святаго 3 из миней.

Слава, святому.

И ныне, Богородичен, Догматик глас 2:

Прейде сень законная,/ благодати пришедши:/ якоже бо купина не стараше опалема:/ тако Дева родила еси,/ и Дева пребыла еси./ Вместо столпа огненного,/ Праведное возсия Солнце:/ вместо Моисея, Христос, // Спасение душ наших.

Таже вход с кадилом. Свете Тихий: Прокимен и ектении.

На стиховне стихиры воскресны, глас 2:

Воскресение Твое, Христе Спасе,/ всю просвети вселенную,/ и призвал еси Твое создание:// Всесильне Господи, слава Тебе.

Ины стихиры, по алфавиту:

Стих: Господь воцарися, в лепоту облечеса.

Древом Спасе, упразднил еси, юже от древа клятву, державу смерти погребением Твоим умертвил еси, просветил же еси род наш востанием Твоим. Темже вопием Ти: Животодавче Христе Боже наш, слава Тебе.

Стих: Ибо утверди вселенную, яже не подвижится.

На кресте явлься Христе пригвождаемь, изменил еси доброту зданий: и безчеловечие убо воины показующе, копием ребра Твоя прободоша, еврей же печатати гроба просиша, Твоя власти не ведуще. Но за милосердие утроб Твоих, приемый погребение, и тридневен воскресый Господи слава Тебе.

Стих: Дому Твоему подобает святыня, Господи, в долготу дней.

Животодавче Христе, волею страсть претерпевый смертных ради, во ад же снизшед яко силен, тамо Твоего пришествия ожидающия, исхитив яко из руки сильного, рай вместо ада жити даровал еси. Темже и нам славящим тридневное Твое востание, даруй очищение грехов, и велию милость.

Слава и ныне: Богородичен:

О чудесе новаго всех дрéвних чудéс!/
Кто бо позна мать без мужа рóждшую,
и на руку носящую, всю тварь Содержáщаго?
Божие есть изволение Рóждшееся.
Егоже яко Младенца, Пречíстая,
Тво́йма рукама носíвшая,
и Матернее дерзновение к Нему имущая,
не престай молящи о чтущих Тя,
// ущедрити и спасти души нáша.

Таже: Ныне отпускаеши: Трисвятое. По Отче наш:

В неделю на утрени.

На Бог Господь тропарь: Егда снизшел еси: **Слава и ныне:** Вся паче смысла:

Тропарь воскресен, глас 2:

Егда́ снизшел еси к смерти Животе Безсмéртный,
тогда́ ад умертвил еси блиста́нием Божества́:
егда́ же и умершия от преисподних воскресíл еси,
вся́ силы небесныя взыва́ху:// Жизнодавче Христе Боже наш, сла́ва Тебе.

Богородичен, глас 2:

Вся́ паче смы́сла,
вся́ преславная Твоя Богородице, та́инства,
чистото́ю запечатана, и девством храни́ма,
Ма́ти позналася еси нелóжна,
Бо́га рождши Истиннаго:// Того моли спастися душáм нашим.

Степенна, глас 2

Антифон 1. Ихже стихи повторяюще поем:

На небо очи пуцаю моего сердца, к Тебе Спасе, спаси мя Твоим осиянием.

Помилуй нас согрешающих Тебе много, на всякий час, О Христе мой, и даждь образ прежде конца покаяться Тебе.

Слава: Святому Духу, Еже царствовать подобает, освящати, подвизати тварь: Бог бо есть, Единосущен Отцу и Слову. **И ныне, тойже.**

Прокимен, глас 2: Востани Господи Боже мой повелением, имже заповедал еси, и сонм людей обыдет Тя. **Стих:** Господи Боже мой на Тя уповах, спаси мя.